

ORDINIS MEDICI

IN

VNIVERSITATE LITTERARIA IENENSI

H. T.

DECANVS

D. CHRIST. GOTHFRID. GRVNER

THEOR. PROF. PVBL. ORD.

SOLLEMNIA INAVGVRALIA

CLARISSIMI ATQVE EXPERIENTISSIMI

IN MEDICINA VTRAQVE

CANDIDATI

GABRIELIS THEOPHILI REINICK

GEDANENSIS

A. D. VI. AVGVSTI MDCCCLXXXIII.

HABENDA INDICIT

---

RECVDI CVRAVIT

IOBI LVDOLPHI

THESES DE FAMOSISSIMO P. FRAN-  
CISCI DE LANA PROBLEMA TE NAVIGA-  
TIONIS PER AEREM

---

JENAE

LITTERIS MAURKIANIS.





**M**ira est seculi nostri felicitas, quam posteri nobis aliquando inuidebunt. Quae olim fingere verbis vel chartulis exprimere vix licebat, haec tandem re ipsa confirmata cuique bono viro ostendimus. Negant quidam ex incredulorum familia, miracula etiamnum fieri, portenta nasci, et nihilofecius quotidie mirabilibus hominum dictis et factis adstupemus. Abundamus magis, cum ars illa nobilissima scilicet, magice, per praecepta \*) tradatur, ne refragantibus quidem theologis vel fulmina bruta emistentibus. In immensum crescit auri fabrorum turba, duce ac coryphaeo *PRI-CIO \*\**), neque timenda in posterum videtur auri argentiue penuria, cum quisque e triuio progressus homuncio, pannis vel annis oblitus et adspectu foedus vel ridiculus, possit metallorum formas pro lubitu transmutare. Nuper demum reddita nobis atque vindicata

\*) Die natürliche Magie - zusammengetragen von *Joh. Christ. Wiegleb*. Berl. 1782. *Halle* Natürliche Magie, Berl. 1784. P. I. et II. *Onomatologia curiosa artificiosa et magica oder Natürliches Zauber-Lexicon* — von *Ioh. Christ. Wiegleb*, Nürnberg. 1784.

\*\*) Versuche mit Quecksilber, Silber und Gold — von *Iam. Price*, Dessau 1783. Cf. *Zauberhöhle in Schottland*, Weim. 1783.



cata per MONTGOLFIEROS et CAROLVM \*) ars nauigandi per aerem est, ex quo chemicorum opera varias aeris noui species ad liquidum perduxit, lusus ad feria duxit.

Iam enim ad aethera intrepidi tendimus, et etiamsi ardua via est, quam vix teneas, tamen aeris inflammabilis vi et potestate eniti audemus eo, vnde licet mare et terras, vrbes et delubra videre, obstantes findere nebulas, permeare varias caeli regiones, experiri solis radios et pluiam, fulgura, reëctis oculis intueri, inter tonitrua versari sine vlla formidiae, et dei more despicere, quicquid terrigenae suscipiant. Vtinam contingat istis aeris reëctoribus commissas habenas flectere! Vtinam nec inuiti per vias praecipites terrae propiores ferantur! Vtinam nunquam currum candescere calidoque inuolui fumo sentiant! Vtinam nunquam igne suo consumi pereant, et PHAETHONTIS poenam luant!

Disceptant inter se physici, quatenam vtilitas ab hac arte pretiosa expectari aliquando queat. Spernunt eam alii \*\*), tanquam rem ludicram, pueris, quam viris aptiorem. Metuunt multi, ne qua sibi ab istis aëriis aurigis iniuria fiat, castella et naues incendantur, milites vel adferantur, vel auferantur, inuito domino. Dolent denique plurimi numos temere insumos, haud nescii, multos in vrbe esse viros, qui nec panem, nec vestem habeant, et dura necessitate oppressi fame pereant. Praestat enim ciuem inopem seruare, quam per astra ferri.

Prac-

\*) Descript. cl. *de Faujas*, Norimb. 1784. *Ehrmans* Montgolfischer Luftkörper, Strasb. 1787. *Hayne* Versuch ueber die neuerfundene Luftmaschine — Berl. 1784. d'Inarre Umstaendl. Beschreib. der aerostat. Maschinen und der bisher damit angestellten Versuche, Frf. 1784.

\*\*) Der fliegende Mensch, ein in Halbroman, Dresd. 1784.



Praeterhaec quaeritur, cuinam omnium primas deferre liceat. Nam non defunt, qui e veterum maiorumue monimentis huc adferunt, quicquid ad praeripiendas laudes pertineat. Memorant ARCHYTAE auctem, IOANNIS REGIOMONTANI aquilam, HERM. FLAXI \*) artem volandi, ELMERI DE MALMABERIA alas, DAN. MOEGLINI folles, PHIL. LOHMEYERII \*\*) naucem ligneam aeriam, STVRMII ausa, LANAE \*\*\*) praecepta, IOBI LVDOLFFI \*\*\*\*) meletemata, sed haec fere sunt lusus ingenii, experimentis confirmant artem nouam Franco-Galli. Sint ergo maecti virtute et arte sua.

Rarae tamen sunt istae scriptiones, ad litem dirimendam pernecessariae, ideoque lubitum est, data hac peropportuna occasione, LVDOLFFI opellam prelo iterum committere, vt, quorum intererit talia scire, habeant, quid apte iudicent atque decernant.

---

IOBI LVDOLFFI  
THESES  
DE FAMOSISSIMO P. FRANCISCI DE LANA  
PROBLEMATHE  
NAVIGATIONIS PER AEREM.

Thes. I.

Aer est materia fluida et grauida, aqua vt fluidior, ita leuior, quippe

a 3

Thes.

\*) Dissertat. habit. et edit. Tubing. 1628. cf. *Paullini* Philos. Feyerabend, Frf. 1700. p. 583. seq. et *Ei.* Zeitverkürz. Erbauliche Lust ib. 1697. p. 29.

\*\*) Diss. Rintel. 1666. vers. germ. Rint. 1784.

\*\*\*)) *Lana*, Franz u. Phil. *Lohmayer* von d. Luftschifskunst, Tubing. 1784.

\*\*\*\*)) Ita inferibitur: *Theses de famosissimo P. Francisci de Lana problemate*  
Nauis-



## Thes. II.

Per experimenta eadem mensura, quae 640. ponderum aquam continet, vnus solum ponderis aerem in se continebit. Quod experimentum confecit P. FRANCISCVS DE LANA, referente et approbante STVRMIO in Colleg. Curios. et quidem eiusdem Auctario ad Confectarium 1mum Tentaminis 7mi.

## Thes. III.

Sphaera cuprea vnus pedis Rhenani, quoad diametrum, spatium vacuum circumdans, et quoad laminam vndique aequae crassam 9. libras vulgares (Pfund) ponderans, proprio experimento facto, continebit quam proxime 33. libras aquae, adeoque per thesin secundam 51. millesimas partes aereas vnus librae, vel saltem 50. millesimas, i. e. vigesimam partem vnus librae.

## Thes. IIII.

Eadem sphaera cuprea non, nisi aere repleta, et aquam non intromittens, appenso quamuis pondere, e. g. plumbeo 21. librarum vigesima tamen parte vnus librae, propter pondus aeris iuxta thesin antecedentem in sphaera contentum, diminutarum, aquae innabit.

## Thes. V.

Eadem sphaera cuprea ad fundum aquae adhibita vi detrusa, et postmodum a vi ista liberata, sursum rursus vsque ad supremam aquae superficiem ascendet, et quodlibet appensum pondus 21. libris minus secum attollet.

## Thes.

*Nauigationis per aerem in disp. Philosophorum circulari publice ventilandae die 19. Iunii Hora nona praef. Iobo Ludolffo Phil. et I. V. D. P. P. Math. et Fac. Phil. Sen. Resp. Io. Wilhelmo Ludolffo Phil. et Math. Cust. Erfurti typ. Groschian.*



## Thes. VI.

Ratio solida duarum praecedentium thesium in eo solum et nullo alio consistit, quod quidem nouem librae materiae cupreae, et vigesima vnius librae aereae continentur perpetuo descendere, e contra vero 33. librae aqueae continentur concavum sphaerae ingredi, ut ita compensatione facta 21. librae vigesima librae parte diminutae descensui sphaerae obstant, et si vis fiat, in tantum reluctantur. Itaque

## Thes. VII.

Si in sphaera aliqua pondus cupri aquam circumdantis superet pondus aquae, quam ista continere potest, necesse est, ut eiusmodi sphaera, quamvis solo aere repleta, nullo etiam pondere, e. g. plumbeo appenso, ad fundum usque descendat, et aerem inclusum secum abripiat, ex eadem praecedentis theseos ratione.

## Thes. VIII.

Determinatio praedicta modo sphaerae, ut scientia Euclidea et Archimedeae insignis, ita praxi facillima est. Si enim diametrum sphaerae continuo dimidia parte minuamus, planum conuexum eiusdem sphaerae, adeoque pondus cupreum sphaeram circumdans siue continens eiusdem crassitiei continuo quarta parte, ipsum contentum vero in spatio concavo octava continuo parte minuetur, id quod quilibet geometriae gnarus ambabus sciens et credens concedet, geometriae vero ignarus ignorans credere iure meritoque tenetur. Nimirum

## Thes. IX.

Si sphaera vnius pedis, quoad diametrum, continuo dimidiando usque ad quartam partem minuatur, tunc pondus cupri continentis iuxta thes. 3. 9. librarum pariter continuo a quarta ad quartam partem progrediendo minuetur usque ad 562. millesimas partes vnius librae,

et



et pondus aquae 33. librarum iuxta eandem theſin pariter continuo ab octaua ad octauam partem progrediendo minuetur vsque 511. millesimas partes vnus librae; praeponderant autem 562. millesimae cupri 511. millesimis aquae, ergo eiusmodi sphaera, cuius diameter est quarta pars vnus pedis Rhenani, ab aqua non sustinebitur, atque sic descendet, et non, vt antea, per praec. theses ascendet.

#### Theſ. X.

Manifestum iam est, ascensum et descensum sphaerae cupreae concavae in aqua fluida ex sola ratione ponderantis cupri continentis ad ponderantem aquam, quam continere cuprum potest, constare. Liquidum ergo etiam ex eadem ratione fieri poterit, dari sphaeras cupreas concavas, quae in aere fluido non solum ascendere, sed etiam grauiſſima pondera, homines, merces, tormenta bellica etc. secum rapere, quin et remis, et velis quaquauerſum dirigi queant, vt ita per hoc nauigatio per aerem P. FRANCISCI DE LANA clarissime patere queat. Nam

#### Theſ. XI.

Constat, aerem ex vasis vitreis vel aeneis a poris immunibus artificialiter siue per Anthliam pneumaticam extrahi, siue per ignem expelli, siue etiam vase prius aqua repleto, eademque postmodum extracta, non admitti vel intromitti, et sic a vase eiusmodi recludi posse.

#### Theſ. XII.

Constat porro per varia experimenta, vasa aeris plena plus ponderare, quam aere exhausto.

#### Theſ. XIII.

Consequitur, si in sphaera aliqua pondus aeris quem illa continere potest, superet pondus cupri aerem continentis, et iuxta theſ. vn-

decimam





decimam sphaera pondere aeris artificialiter sit soluta, quod in fluido aereo excedens pondus aeris in locum sphaerae aere vacuae introire prohibitum, introire tamen quam maxime annitens minus pondus cupri ad extremam aeris superficiem sursum tollat, sphaeraque superficiei illi, quamvis variis appensis oneribus onusta, pro ratione nempe ponderis continentis minoris ad pondus maius, quod contineri potest, iuxta th. 10am, innatet. Jam vero

#### Thef. XIV.

Determinatio eiusmodi ascendens et in aere natantis sphaerae rursus facillima est beneficio geometriae. Si enim diametrum sphaerae continuo duplicando augeamus, planum conuexum eiusdem sphaerae, adeoque pondus cupreum sphaeram circumdans eiusdem perpetuo crassitiei quadruplicando, ipsum contentum vero in spatio concauo continuo octuplicando augebitur. Nimirum

#### Thef. XV.

Si sphaera vnus pedis, quoad diametrum, continuo duplicando vsque ad 256. pedes, quoad diametrum sphaerae, augeatur, tunc pondus cupri continentis iuxta thesin 3. 9. librarum pariter continuo a quadruplo ad quadruplum progrediendo augebitur vsque ad 589824. libras, et pondus aeris vigesima partis vnus librae iuxta eandem thesin pariter continuo ab octuplo ad octuplum progrediendo augebitur vsque ad 838860. libras cum 6. decimis partibus vnus librae. Ergo eiusmodi sphaera non solum sursum ascendet, sed etiam appensa pondera saltem 249036. librarum secum rapiet, quia in tantum pondus aeris exclusi excedit pondus cupri continentis spatium vacuum.

#### Thef. XVI.

Sicut theoria huius rei praemonstrata ratione firmissima est, ita praxis ob sumtus impendendos priuatis hominibus vix ac ne vix quidem



dem tentanda, cum eiusmodi sphaera pro comparando cupro solum 98304. Imperiales requirat, vt taceamus alios sumtus pro extruenda eiusmodi stupenda machina.

### Thef. XVII.

STVRMIVS quidem in *Colleg. Curios. Tentam.* 10mo pag. 61. cum P. FRANC. DE LANA statuit, laminas cupreas pedem vnum longas et latas, quae tres vncias, i. e. tres sedecimas partes vnus librae vulgaris, pondere suo non excedant, satis adhuc esse consistentes ad conficiendam sphaeram 16. pedum in diametro, quae cum appenso pondere ascendere queat; Sed cum nos thes. 3tia in proprio experimento eiusmodi laminas supposuerimus, quae sedecies STVRMII laminis ponderosiores sint, adeoque tres libras pondere suo adaequent, nec tamen eiusmodi laminae, in experimento adhibitae, crassae adeo, et solum eiusmodi sint, quae prelo pro imprimendis imaginibus subiici solent, non est mirum, cur STVRMIVS in 16. pedibus pro diametro sufficienti acquieverit, nobis vero ad 256. pedes usque progrediendum fuerit. Cuique experturo medium tenere licebit.

### T A N T V M.

Reliquum est, vt CL. atque DOCTISSIMVM CANDIDATVM in scenam producamus, qui, relicta Gottinga, Ienam adiit, summos in medicina honores capeffurus. Cuius quae fuerit vitae studiorumque ratio, hisce verbis ipse exposuit.

**E**go GABRIEL GOTTLIEB REINICK natus sum Gedani d. 11. Iduum Nouembris a. MDCCCLVI. patre IOANNE EILHARDO M. Dr. et practico Gedanensi meritissimo, et matre ANNA REGINA, e stirpe BERINGHUSENIANA. Parentes optimi, per Dei gratiam adhuc viui et salui venerandi, pietatem christianam a pueris exemplo et institutione mihi demon-

demonstrarunt, deinde ulteriorem curam mentis excolendae et ingenii effor-  
 mandi praeceptoribus dignissimis, praecipue pietati paternae VNSELTII, de-  
 mandarunt. Quibus rite instructus Gymnasium Illustre academicum, quod  
 Gedani floret, adii, et ibidem maxime Reuerendo VERPOORTEN, Con-  
 sult. GRALATH, Exper. SENDEL, b. HANOVIO, WERN-  
 DORFIO et GRODDECKIO, Excell. STRAVSSIO, BARTHOLDI et  
 COSACK, in theologicis, historicis, physicis et medicis, philosophicis, ma-  
 thematicis, graecis et humanioribus litteris praeceptoribus usus sum, et  
 dignus demum habitus, cui ad studia ulterius prosequenda liceret a. CIOCC-  
 LXXIX. Gottingam petere, ubi a Prorectore Magnifico tunc temporis Viro  
 maxime Reuerendo, KVLENKAMP, in numerum ciuium academicorum re-  
 ceptus, Ill. Conf. aul. HEYNE antiquitates romanas, auctores classicos et  
 HORATHII artem poeticam exponentem audiui, scholas historicas Ill. Conf.  
 aul. GATTERERI et SCHLOEZERI, psychologicas Excell. MEINERSII,  
 physicas Excell. LICHTENBERG, anglicanas Cel. DIEZE, mathematicas  
 Clar. MVELLERI, frequentavi. Medicinae vero doctrinas summa diligen-  
 tia mihi tradiderunt clarissimi artis professores, et quidem Encyclopæ-  
 diam medicam, Anthropologiam, Semioticam, Pathologiam et Therapiam ge-  
 neralem, Materiam medicam et Pharmaciam illustravit, et in instituto clini-  
 co artem aegrotis opem ferendi docuit Ill. Conf. aul. et Arch. primar. Cas-  
 sellanus, BALDINGER, Botanicen, Materiam medicam, doctrinam de ve-  
 nenis et vermibus intestinorum mihi explicauit Ill. Conf. aul. MVRRAY,  
 cuius exercitationibus examinatorio-disputatoriis etiam interfui. Praecepta  
 chirurgiae medicae et manualis, therapiae specialis et diaceticæ, et quae  
 circa morbos oculorum et ossium versantur, optime mihi exposuit Ill. Conf.  
 aul. RICHTER, sub cuius moderamine applicationem regularum therapiae  
 ad usum et singulos morbos in nosocomio didici. In anatomicis, physiologicis  
 et arte obstetricia theoretico-practica ducem et magistrum veneror Excell.  
 Prof. WRISBERG, in chemicis Excell. GMELIN, in osteologia et historia  
 natu-





*naturali Excell. BLVMENBACH, in pathologicis denique Excell. STROMAYER. Absoluto studiorum curriculo, tandem Ienam petii, ibique Prorectore Magnifico Viro summum Reverendo GRIESBACHIO iura civium academicorum obtinui, et a Gratiofo et Ill. Medicorum ordine, cuius in me hospitum fauor tantus fuit, quantus est maximus, honores in medicina summos petii. Nunquam omnino quidem satis, sed, ut spero, in posterum ex parte saltem Praeceptoribus et Fautoribus optimis reddam, quae potero, pro beneficiis et praeceptis, in me largiter collocatis.*

Haecenus ille. Qui per annum ita inter nos vixit, ut temporis et studii eum nunquam poeniteret, ita respondit de rebus medicis quaesitus, ut dignus Ordini Nostro videretur, cui summi in arte medicinali honores denegandi amplius non essent. Defendit ergo a. d. VI. Augusti suam diss. *de moscho*. Quo peracto officio, quod leges et instituta maiorum iubent, equidem condigna praemia in eum conferam. Huic panegyri ut intersint MAGNIFICVS ACADEMIAE PRORECTOR, MAGNIFICVS ACADEMIAE PRORECTOR DESIGNATVS, COMITES ILLVSTRISSIMI, PATRES CONSCRIPTI, PROFESSORES CLARISSIMI, GENEROSISSIMI atque NOBILISSIMI COMMILITONES, ceterique bonarum litterarum FAVTORES, id est, quod Ordinis mei verbis perobseruanter et perhumaniter oro rogoque. P. P. Sub Sigillo Facultatis a. d. III. Augusti *MDCCCXXIII*.

